



REPUBLIKA E SHQIPËRISË
BASHKIA ROSKOVEC
KESHILLI BASHKIAK

Nr. 2900 Prot.

Roskovec, me 21.05 2019

VENDIM

NR. 47 DATË 17.05 2019

PËR

MIRATIMIN E PLANIT SOCIAL TË BASHKISË ROSKOVEC 2019- 2022

Në mbështetje të Ligjit Nr.139/2015 “Per Vetqeverisjen Vendore”, Ligji nr. 121/2016 “Për shërbimet e kujdesit shoqëror në Republikën e Shqipërisë” ,ligji nr.9355 date 10.03.2005 ndryshuar me ligjin Nr.9602 date 28.07.2006,ligjin Nr.10252 date 11.03.2010,ligjin Nr.25/2013,Ligjin Nr.47/2014,ligjin Nr.44/2016 “Per Ndhimen dhe Sherbimet Shoqerore”,ligji nr.18/2017 “Per te drejtat dhe mbrojtjen e femijes” Keshilli i Bashkise,

VENDOSI :

-Miratimin e Planit Social te Bashkise Roskovec 2019-2022.

Plani i Sherbimeve Sociale i Bashkise Roskovec 2019-2022 eshte nje dokument politikash specifike per grupet dhe komunitetet e targetuara ne territorin e Bashkise,ne perputhje te plote me Strategjine e Mbrojtjes Sociale dhe Strategjine Kombetare per Zhvillim dhe Integrim.

Bashkengjitur Plani Social i Bashkise Roskovec 2019 – 2022.

KRYETAR

Eleni Goga





PLANI SOCIAL 2019-2022

Bashkia Roskovec

Maj, 2019



Përmbajtja

I.	Hyrje	3
II.	METODOLOGJIA DHE PROCESI	5
III.	TREGUESIT SOCIALË.....	8
	3.1 Treguesit demografike.....	8
	3.2 Arsimi.....	9
	3.3 Shëndetësia	11
	3.4 Situata për PAK	11
	3.5 Varfëria dhe NE.....	12
IV.	HARTËZIMI I SHËRBIMEVE SHOQËRORE DHE NEVOJAVE SIPAS GRUPEVE SOCIALE	13
	4.1 Shërbimet rezidenciale të kujdesit shoqëror	13
	4.2 Shërbime ditore dhe komunitare dhe nevojat sipas grupeve sociale.....	14
	2.3 Partneriteti me OJF-të	19
V.	MISIONI, VIZIONI DHE OBJEKTIVAT E PLANIT SOCIAL	20
	MISIONI.....	20
	VIZIONI.....	20
	OBJEKTIVA STRATEGJIKË DHE SPECIFIKE	21
VI.	Strategjia e zbatimit të planit social	23
VII.	Plani i veprimit.....	25
VIII.	Buxheti	43
IX.	Shtojca	455
	8.1 Metoda dhe teknika për mbledhjen e të dhënave parësore, me pjesëmarrjen e komunitetit45	
	Diskutimet në Fokus-Grup.....	45
	Analiza e rrjedhës së shkaqeve.....	45
	Matrica e problematikave dhe adresimi i tyre	46
	8.2 Kuadri ligjor.....	48
	8.3 Lista e dokumenteve të konsultuara	72



I. Hyrje

Në vijim të reformës territoriale të Republikës së Shqipërisë në vitin 2015, Bashkia Roskovec, pjesë e Qarkut Fier, ka në përbërje të saj 4 njësi administrative (Figura 1): Roskovec, Kuman, Kurjan dhe Stum (Ligji nr.115/2014). Aktualisht, Bashkia Roskovec administron një qytet – Roskovecin, si dhe 14 fshatra (shiko Tabelën 1). Bashkia Roskovec kufizohet në veri dhe perëndim me bashkinë Lushnjë, në jug me bashkinë Mallakastër, në lindje me bashkinë Ura Vajguore, ndërsa në perëndim me bashkinë Patos. Kryeqendra e Bashkisë është qyteti i Roskovecit.

Tabela 1. Njësitë Administrative dhe Përbërja e Tyre

Bashkia	Njësi Administrative (NjA)	Qytetet dhe Fshatrat për NjA
Roskovec	Roskovec	Qyteti Roskovec, Fshati: Jagodinë
	Kuman	Kucman, Marinëz, Vidhishtë, Luar
	Kurjan	Kurjan, Mbers, Ngjeqan, Vlosh
	Strum	Strum, Arapaj, Suk 1, Suk 2, Velmish



Figura 1. Harta administrative Bashkia Roskovec

Burimi: Projekti STAR

Sipas Censurit të vitit 2011, bashkia e re e Roskovecit duhet të kishte rreth 21.742 banorë, ndërsa në Regjistrin Civil popullsia e regjistruar figuron 31.548 banorë. Kjo bashki ka një sipërfaqe prej 118.01 km² dhe në bazë të popullsisë së numëruar nga Censusi, densiteti i popullsisë është 184 banorë për kilometër katror, përkundrajt asaj në bazë të regjistrit civil ku densiteti rezulton 263.33 banorë/km².

Tabela 2. Shpërndarja e Popullsisë sipas Njësive Administrative, Distanca nga Qendra dhe Sipërfaqja për Njësi

Bashkia Roskovec	Njësia Vendore	Popullsia		Distanca nga qendra (km)	Sip. e njësive në km ²
		Gjendja në Regjistrin Civil 2018	Census 2011		
	Strum	9345	7538	8.1	35.2
	Kurjan	5,318	3,618	9	37
	Kuman	8,519	5,611	2	32
	Roskovec	8,859	4,975	0	19

	<i>Total</i>	32041	21742		123.2
--	--------------	-------	-------	--	-------

Në kuadër të Ligjit Nr. 139/2015 për vetëqeverisjen vendore, Bashkia Roskovec, ngarkohet, ashtu si edhe njësitë e tjera të qeverisjes vendore, me një gamë të gjerë përgjegjësish dhe kompetencash në fushën e shërbimeve të kujdesit shoqëror, si niveli më i përshtatshëm për ofrimin e shërbimeve shoqërore për përfituesit, për shkak të afërsisë me komunitetin dhe me qytetarin. Shërbimet e kujdesit shoqëror përfshijnë ofrimin e shërbimeve shoqërore komunitare, shqyrtimin dhe vendimmarrjen në lidhje me procedurat për marrjen në kujdestari; si edhe menaxhimin e shërbimeve rezidenciale në raste specifike. Gjithashtu, në legjislacion përcaktohen detyrimet specifike për shërbimin shoqëror në nivel vendor, duke përfshirë ngritjen e pikave fokale gjinore dhe të luftës kundër dhunës në familje, si dhe Njësitë e Mbrojtjes së Fëmijës.

Strategjia Ndërsektoriale për Decentralizimin dhe Qeverisjen Vendore (2015 – 2020) cilëson shërbimet e kujdesit shoqëror si funksion i pushtetit vendor, në përputhje me ligjin për vetëqeverisjen vendore. Gjithashtu strategjia shpreh synimin e qeverisë për decentralizimin e plotë të shërbimeve të kujdesit shoqëror, përkundrejt mbështetjes teknike, institucionale dhe financiare nga burimet e buxhetit të shtetit.

Nga ana tjetër, Strategjia Kombëtare për Mbrojtjen Sociale 2015-2020 vijëzon një orientim të qartë politikash për kujdesin shoqëror, me qëllim reformimin e sistemit, duke theksuar se ‘fillimisht identifikojnë çështjet kyçe që duhen adresuar për të ndërtuar një sistem funksional, dhe së dyti përdorim të një qasje me faza për ta zhvilluar këtë sistem’. Në fazën e parë, fokusi vendoset në ndërtimin e themeleve për të lejuar pilotimin e sistemit të ri të shërbimeve të kujdesit shoqëror në rajone të caktuara. Hapat e hedhur në raport me përcaktimin e roleve dhe përgjegjësive të qarta për bashkitë e formuara rishtazi për planifikimin e shërbimeve të kujdesit shoqëror (të pasqyruara në ligjin e ri për vetëqeverisjen vendore, strategjinë e decentralizimit dhe atë të mbrojtjes sociale), avancimi i konceptit të paketës bazë të shërbimeve (apo shportës), miratimi i Ligjit 121/2016 për shërbimet e kujdesit shoqëror, miratimi i Ligjit 18/207 për të drejtat dhe mbrojtjen e fëmijës, po përforcojnë bazën ligjore në mënyrë që sistemi të funksionojë duke qartësuar më shumë funksionimin e sistemit të ri të kujdesit shoqëror ku ministria përgjegjëse, Ministria e Shëndetësisë dhe Mbrojtjes Sociale, zhvillon politikat dhe përcakton prioritetet, ndërkohë që Bashkitë janë përgjegjëset kryesore për planifikimin dhe buxhetimin e shërbimeve të kujdesit shoqëror.

Në këtë kuadër, Bashkia Roskovec merr përsipër hartimin e Planit Social, i cili pasqyrohet në këtë dokument. Në këtë proces, ajo është mbështetur nga programi Romacted i Këshillit të Europës dhe nga Instituti i Kulturës Rome (IRCA), përgjatë vlerësimit të nevojave lidhur me hartimin e planit, buxhetimin e tij dhe identifikimin e burimeve financiare për ta zbatuar atë, duke rritur kapacitetet vendore në këtë drejtim.



II. METODOLOGJIA DHE PROCESI

Metodologjia dhe procesi i përshkruar për hartimin e Planit Social është mbështetur në udhëzuesin për hartimin e planeve për integrimin e minoriteteve (rome dhe egjiptiane) ROMACTED si dhe udhëzuesin e përgatitur nga ISB dhe ESA Consulting për hartimin e planeve sociale¹. Në themel të metodologjisë së aplikuar dhe procesit të ndjekur hap pas hapi është një frymë e përgjithshme gjithëpërfshirje. Kjo është mundësuar duke siguruar që çdo përpjekje e ndërmarrë në këtë kuadër të udhëhiqet nga parimet e fuqizimit, pjesëmarrjes dhe integritit të grupeve sociale më të cenuara në shoqëri. Në punën me komunitete në nevojë besohet se fuqizimi apo mundësia për fuqizim e çdo individ është thelbësore për fuqizimin dhe integrimin e të gjithë komunitetit/grupit/minoritetit.

Në këtë prizëm, adresimi i nevojave dhe problematikave përmes një modeli integruar, ku jetët e njerëzve dhe nevojat e tyre shihen, vlerësohen dhe asistohen nga një këndvështrim multidisiplinar dhe shumëplanësh, kanë qenë në themel të përjasjes sonë. Ndryshimet, përmirësimet dhe arritjet mund të jenë të qëndrueshme veçse përmes një strategjie të tillë, ku përjasja e integruar nënkupton nevojën për koordinim dhe sinergji në fusha si arsimit, punësimi, përkujdesi shëndetësor, strehimi dhe shërbimet shoqërore.

Për arritje të qëndrueshme, gjatë të gjitha përpjekjeve të ndërmarra u inkurajuan dhe zbatuan procese me pjesëmarrje. Pjesëmarrja e komuniteteve në të gjitha proceset i bën ato jo vetëm më të hapura, transparente dhe ndërvepruese, por shton shanset e suksesit si dhe i bën proceset dhe rezultatet që vijnë prej tyre më të pranueshme e të zbatueshme nga komunitetet e synuara. Pjesëmarrja e përfaqësuesve nga këto grupenë çdo hap të konceptimit të këtij plani siguroi, ndër të tjera, që edhe të dhënat dhe evidencat e mbledhura për të ushqyer hartimin e tij të ishin të përditësuara dhe relevante. Ato e përforcuan më tej ndjesinë e pronësisë dhe përgjegjshmërisë për planin dhe zbatimin e tij.

Më konkretisht, procesi për hartimin e planit social në nivel vendor për Bashkinë Roskovec kaloi përmes katër hapave kyç, të përmbledhur në tabelën e mëposhtme:

Tabela 3. Hapat e procesit për hartimin e Planit Social, Bashkia Roskovec

Hapi 1. Përgatitja e Procesit dhe Angazhimi	Hapi 2: Vlerësimi i nevojave dhe prioritizimi i tyre
Detyrat e realizuara ishin:	Vlerësimi i nevojave, hap i cili kaloi përmes:
a) Identifikimi i aktorëve – përgjatë të cilit iu dha përgjigje pyetjeve “Kush do të përfshihet?” “Pse? Ç’kontribute sjell?”	a) Mbledhjes së të dhënave – këtu u përcaktuan burimet e të dhënave, teknikat për mbledhjen e tyre, si dhe indikatorëve/treguesve përkatës.
b) Garantimi i angazhimit politik – mundësoi identifikimin e aktorëve të vullnetshëm dhe çoi më tej dejt angazhimit të tyre politik për realizimin e procesit.	b) Identifikimi dhe prioritizimi i problemeve dhe nevojave – me pjesëmarrjen e komuniteteve u identifikuan problematikat dhe nevojat e tyre si dhe u caktua se çfarë është më e prioritare dhe imediate për adresim në kushtet e burimeve dhe kohës së kufizuar.
c) Ngritja dhe mbështetja teknike për grupet dhe nën-grupet e punës për hartimin e planit.	c) Vlerësimi i kapaciteteve institucionale – ku iu

¹ ISB dhe ESA Consulting (2016) *Udhëzues: Instrumentet për planifikimin e shërbimeve të kujdesit shoqëror*. ESA/UNICEF, Albania.

	dha përgjigje pyetjeve “Kush mund të bëjë çfarë për adresimin e problematikave/nevojave të identifikuara?”.
Hapi 3: Hartimi dhe Miratimi i një Plani Veprimi të Përbashkët	Hapi 4: Financimi dhe zbatimi i projektit
Hapi i tretë mundësoi hartimin dhe miratimin e planit të përbashkët të veprimit dhe përfshiu reflektim dhe adresim të të mëposhtmeve:	Hapi i katërt ndërtoi rrugën drejt një plani të zbatueshëm, duke përfshirë çështje si financimi dhe monitorimi i tij. Gjatë këtij hapi iu dha përgjigje pyetjeve të mëposhtme:
<ul style="list-style-type: none"> a) Reflektim – Çfarë dimë nga procesi i vlerësimit të nevojave dhe prioritizimit të tyre? b) Ku synojmë të arrijmë? Ç’ndryshime duam të sjellim? c) Si? – aktivitete afatshkurtra & afatmesme. d) Integrimi i çështjeve rreth në planin vendor – Si? Integrimi si pjesë e së tërës. Planet Sociale. e) Aktivitete/ndërhyrje/projekte konkrete – Çfarë? Kush? Kur? 	<ul style="list-style-type: none"> a) Sa % e financimit të Planit Vendor do të mbulohet nga buxheti NJVQV? A parashikohen financime nga buxheti i shtetit? Donatorët? b) A ka hendek financiar? Cilat janë burimet potenciale për financimin e projekteve të reja? c) Sa % e shpenzimeve të Planit Vendor janë të planifikuara në PBA 2019-2021? d) A kemi aktivitete/projekte të reja? Sa % të shpenzimeve zënë ato? Si planifikohet financimi i tyre? e) A është hendeku financiar pjesë e kërkesave buxhetore shtesë dhe bisedimeve me donatorët të ndryshëm?

Me qëllim vlerësimin e nevojave dhe informimin e proceseve vendimmarrëse lidhur me planin përmes të dhënave dhe evidencave u hartua dhe u zbatua një udhëzues për mbledhjen e të dhënave parësore dhe dytësore. Ato përfshinë burime të ndryshme, të përmbledhura në skemën ilustruese më poshtë.




Figura 2. Burime parësore dhe dytësore të të dhënave të përdorura

Për mbledhjen e të dhënave parësore përmes teknikave me pjesëmarrjen e komunitetit, u përdorën ushtrimet e hartëzimit të nevojave dhe burimeve, intervista individuale dhe



diskutime në grupe. Të gjitha këto u shoqëruan me një seri vizitash, vëzhgimesh dhe takimesh në terren në zonat e Bashkisë dhe me grupet me problematika socio-ekonomike më të mprehta. Kështu, në periudhën shkurt-prill 2019, ekspertja kombëtare dhe lehtësuesit vendorë të programit ROMACTED kanë vizituar në vazhdimësi këto zona dhe kanë përdorur një seri mjedesh dhe teknikash për mbledhjen e të dhënave.




Figura 2. Pamje nga aktivitetet për mbledhjen e të dhënave

Për një diskutim më të fokusuar dhe thelluar, si dhe për njohjen më të thellë dhe tërësore të problemeve dhe nevojave janë aplikuar edhe metodat e diskutimit në fokus-grupe, është aplikuar “Hartëzimi i Burimeve”, “Pema e problemit” dhe “Matrica e Problemeve”, “Prioritizimi i Problemeve” (për më shumë shiko Shtojca 8.1). Të dhëna parësore u mblodhën edhe nga Bashkia, veçanërisht në raport me kapacitetet e saj në funksion të planit social, përgjatë takimeve me grupin institucional të ngritur në kuadër të programit ROMACTED.





Figura 3. Pamje nga takimet me grupin teknik dhe stafin e Bashkisë Roskovec

Gjetjet që rezultuan nga vlerësimi i nevojave informuan procesin e hartimit të planit social të veprimit për bashkinë Roskovec.

III. TREGUESIT SOCIALE

3.1 Treguesit demografike

Bashkia Roskovec ka një popullsi të re në moshë, të vendosur në pjesën më të madhe në NjA Stum dhe Roskovec (Tabela 3). Megjithatë, të dhënat demografike tregojnë për një trend në rënie të lindjeve dhe një thellim të diferencave gjinore (veçanërisht në popullsinë më të re në moshë). Jo vetëm në grupmoshën mbi 65 vjeç, por edhe për grupmoshat nga 0-64 vjeç, jetojnë më shumë djem dhe burra sesa vajza dhe gra. Nga ana tjetër, numri i lindjeve ka ardhur në rënie, siç vërehet edhe nga të dhënat e regjistruara për dy vitete e fundit (Figura 4). Po kështu, ndonëse jo shumë i madh, numri i divorceve ka ardhur në rritje dhe kjo ka ndikuar edhe në diversifikimin e tipeve të familjeve dhe nevojave të tyre në këtë bashki (për shëmbull janë shtuar familjet me një prind, me nëna kryefamijare etj.).

Tabela 4. Popullsia e Bashkisë Roskovec, Sipas Gjinisë dhe Grupmoshave - 2018

Bashkia Roskovec	Njësia Vendore	Popullsia		Popullsia sipas grupmoshave					
		Gjendja në Regjistrin Civil 2018	Census 2011	0-17 vjeç		17-64 vjeç		65+ vjeç	
				Femra	meshkuj	femra	meshkuj	femra	meshkuj
Strum	9345	7538	845	963	2420	2602	370	338	
Kurjan	5,318	3,618	394	430	1181	1239	193	181	
Kuman	8,519	5,611	601	615	1848	1894	346	307	
Roskovec	8,859	4,975	484	535	1664	1706	323	263	

Burimi: Të dhëna administrative






Figure 4. Lindje, vdekje dhe divorce – Bashkia Roskovec 2017 dhe 2018

Pjesa më e madhe e popullsisë së kësaj bashkie jeton në zona me natyrë rurale, gjë që lidhet ngushtë me natyrën e jetesës dhe aktivitet socio-ekonomike që zhvillohen. Duke mbajtur në kosideratë se jeta social-kulturore në zonat rurale në përgjithësi, në shkallë vendi, është varfëruar së tepërmit në dekadat e tranzicionit, kjo e bën që edhe sfidat e një bashkie ku pjesa më e madhe e popullsisë të jenë të vendosura në këto zona të jenë edhe më dinamike.

3.2 Arsimi

Nuk ka asnjë cerdhe dhe një numër të kufizuar kopshtesh

kopshet	Njesia Administrative	Pop.	Nr kopshtesh	Kapaciteti	Nr femijesh	Nr femijev e rome	Nr. Edukatoresh	nr femijesh per edukatore	nr kopshtesh per 10.000 bano	nr edukatoresh per 10.000 bano
1	Roskovec	8,919	2		180	8	11	16.0	1	0
2	Kuman	8,603	4		170	0	10	17.0	1	0
3	Strum	9,345	4		133	0	6	22.0	1	0
4	Kurjan	5,409	4		75	0	4	19.0	1	0
	Total	32,276	14		558	8	31			

Burimi: te dhena administrative/
Bashkia

Nuk ka asnjë shkollë profesionale



Tabela 3.4 Shkollat 9 vjecare

	NJA	Pop.	Nr. Shkollash	Kapaciteti	Nr nxenesish	Nr nxenesish rom	Niveli I Braktisjes se shkolles (nr nxenesish)	Nr mesuesish	Nr femijesh per mesues	nr shkollesh per 10.000 bano-re	Nr psikologesh* (te punesuar praneshkollave te NJA)
1	Roskovec		1	630	557	18	1	38	15	1	1
2	Vidhisht		1	300	157	0	0	13	12	1	1
3	Luar		1	200	150	0	1	15	10	1	1
4	Kurjan		1	350	265	0	0	20	14	1	1
5	Ngjeqar		1	300	74	0	0	10	8	1	1
6	Strum		1	450	204	0	0	13	15	1	1
7	Suk1		1	300	295	0	1	26	11	1	1
9	Velmish		1	250	131	0	0	13	10	1	1
10	Kuman		1	300	130	5	0	14	10	1	1
11	Marinez		1	300	113	0	0	14	9	1	1
12	Vlosh		1	200	126	0	0	16	8	1	1

Burimi: te dhena administrative /Drejtoria Rajonale per Arsimin, Ministria e Arsimit

Tabela 3.5 Shkollat e mesme

	NJA	Pop.	Nr. Shkollash	Kapaciteti	Nr nxenesish	Nr nxenesish rom	Niveli I Braktisjes se shkolles (nr nxenesish)	Nr mesuesish	Nr femijesh per mesues	nr shkollesh per 10.000 bano-re	Nr psikologesh* (te punesuar praneshkollave te NJA)
1	Roskovec		1	600	506	1	0	33	16	1	
2	Kurjan		1	320	267	0	0	20	16	1	1

Burimi: te dhena administrative /Drejtoria Rajonale per Arsimin, Ministria e Arsimit




3.3 Shëndetësia

Tabela 4.1. Te dhena lidhur me sherbimin shendetesor												
Te dhena administrative viti 2018												
Bashkia	Njesia Vendore	Popullsia		Qendra Shendetesore dhe ambulanca (number)			Spitale (numer)				Total (staf mjekesor) per 1000 bano re	
				Nume r QSh dhe Amb.	Personeli mjekesor		Num er spita lesh	Nr shtret erish	Mjeke te Special izuar	Personal mjekesor/in fermiere		
		Total Mje ke Per Fa milje	Total Mjek e Speci aliste									
		Gjen dja/RC me 2018	Cen sus 201 1*									
Roskovec	Strum	9345	7538	1 Q.Sh + 5 Ambulanca	2	0	0	0	0	0	8	1
	Kurjan	5,318	3,618	1 Q.Sh + 3 Ambulanca	2	0	0	0	0	0	7	1.69 (2)
	Kuman	8,519	5,611	1 Q.Sh + 3 Ambulanca	2	0	0	0	0	0	8	1.17
	Roskovec	8,859	4,975	1 Q.Sh + 2 Ambulanca	3	0	0	0	0	0	14	1.91 (2)
	Total	32041	21742		9	0	0	0	0	0	37	
		Burimi: Burimet administrative , Ministria e Shëndetësisë/Drejtori Rajonale										

3.4 Situata për PAK

Numri i personave me aftesi te kufizuar dhe kujdestaret ne Bashkine Roskovec

	GJITHSEJ	TE VERBER	PARA-TETRAP	PAK MENDOR
--	----------	-----------	-------------	------------



EMERTIMI					LEGJIK		E FIZIK	
	Gjithsej	Me	Nr	Me	Nr	Me	Nr	Me
		perfitim	Gjithsej	perfitim	Gjithsej	perfitim	Gjithsej	perfitim
		kujdest		kujdest		kujdest		kujdest
NR.I PERSONAVE								
Gjithsej: Bashkia	563	247	109	30	72	72	382	66
Njesia Roskovec	87	32	14	4	11	11	62	7
Njesia Strum	189	80	27	10	29	29	133	24
Njesia Kuman	161	79	46	8	17	17	98	16
Njesia Kurjan	126	56	22	8	15	15	89	19
	0	0						
Numri I femijeve (0-18 vjec) me aftesi te kufizuar qe perfitojne pagese PAK	124	39	5	2	9	9	110	25
	NUMRI I FEMIJEV E ME AK GJITHSEJ							
		SIPAS GRUP-MOSHAVE						
Nr								
	Gjithsej	0-6 vjeç	6-15vjeç	15-18 Vjeç				
Bashkia	124	47	55	22				
Njesia Roskovec	18	5	9	4				
Njesia Strum	32	10	13	9				
Njesia Kuman	25	4	15	6				
Njesia Kurjan	49	28	18	3				

Burimi: te dhena administrative /bashki, drejtoria rajonale e sherbimit social

3.5 Varfëria dhe NE

Tabela 6.1 - Te dhenat mbi ndihmen ekonomike sipas kategorive dhe NJAve per dy vitet e fundit

	Njesia Roskovec	Njesia Kurjan	Njesia Kuman	Njesia Strum	BASHKIA Total
Bashkia Roskovec					

	Familje perfituese gjithsej: viti 2018	25	108	17	37	187
	Nder te cilat: familje ne fshat (rurale)	0	108	17	37	162
	Masa mesatare e perfitimit (2018)	4900	5170	4000	5440	4880
	Familje perfituese gjithsej (viti 2018)	25	108	17	37	187
	Nder te cilat: familje ne fshat (rurale)	0	108	17	37	162
	Nder te cilat:perfituese te NE permes fondit te bashkise (6%)	4	1	1	1	7
Karakteristikat e familjeve perfituese NE: viti 2018	Familje me kryefamiljare femer	1	34	4	7	46
	Familje me deri ne 2 femije te mitur	6	46	3	7	62
	Familje me mbi 2 femije te mitur	3	37	1	21	62
	Familje rome	0	0	0	0	0
	Familje me te pakten nje anetar PAK	3	0	0	6	9
	Familje me te pakten nje anetar ne moshe pensioni	0	1	1	1	3
Familjet perfituese sipas kategori se: viti 2018	Familje ne nevoje	17	99	11	33	160
	Jetime	2	4	0	3	9
	Prinder shumenjakesh	1	1	0	0	2
	Viktima trafikimi	0	0	0	0	0
	Viktima dhune ne familje	3	2	2	0	7
	Familje me femije ne kujdestari	2	2	4	1	9
	Nder te cilat:perfituese te NE permes fondit te bashkise (6%)	4	1	1	1	7

Burimi: te dhena administrative /bashki, drejtoria rajonale e sherbimit social

IV. HARTËZIMI I SHËRBIMEVE SHOQËRORE DHE NEVOJAVE SIPAS GRUPEVE SOCIALE

4.1 Shërbimet rezidenciale të kujdesit shoqëror

Bashkia Roskovec është një bashki e vogël dhe e krijuar rishtazi, ndaj trashëgimia e një rrjeti shërbimesh shoqërore mungon. Deri më tani, Bashkia Roskovec nuk ka mundur ende të ngrerë apo mbështetë shërbime të një natyre rezidencial, për asnjë nga kategoritë apo



grupet në nevojë, si të moshuarit, fëmijët, gratë e dhunuara etj. Ndonëse kjo është një mangësi mjaft e ndjeshme dhe ngritja e një qendre rezidenciale do të shërbente në adresimin e problematikave të disa grupeve në nevojë, ajo mbetet një sipërmarrje, që bazuar në burmietet dhe mundësitë aktuale të Bashkisë, duket e largët për t'u realizuar.

Pavarësisht një konteksti me një trashëgimi të dobët apo inekzistente të shërbimeve shoqërore si dhe burimesh të kufizuara, Bashkia Roskovec është përpjekur t'u japë vëmendje nevojave sociale përmes zhvillimit dhe mbështetjes së shërbimeve ditore dhe komunitare. Në seksionin e mëposhtëm paraqiten shkurtimisht këto shërbime ekzistuese dhe grupet që përfitojnë prej tyre kundrejt nevojave të identifikuar.

4.2 Shërbime ditore dhe komunitare dhe nevojat sipas grupeve sociale

4.2.1 Të moshuarit

Të moshuarit në Bashkinë Roskovec përballen me problematika të ngjashme me ato të të moshuarve në bashki të tjera të vendit, si vështirësitë ekonomike, problematikat e lidhura me problemet e shëndetit dhe kujdesit shëndetësor jo (gjithmonë) cilësor dhe të aksesueshëm etj. Gjithnjë e më tepër, për moshat e thyera po shtohet problematika e vetmisë si pasojë e emigrimit në vite dhe largimit të brezit me të ri drejt vendeve më të zhvilluara.

Aktualisht, Bashkia u shërben të moshuarve rezidentë në territorin e saj vetëm përmes shërbimeve ditore të Qendrës Sociale Komunitare (QSK). Në mjediset e kësaj qendre të moshuarit socializohen me njëri-tjetrin dhe kalojnë një kohë aktive duke luajtur lojëra të ndryshme. Ndonëse nuk ka statistika të sakta, sipas burimeve nga stafi që shërben në qendër, mendohet se qendra frekuentohet nga rreth 50 të moshuar.

Edhe pse Bashkia ka pasur si synim pasurimin me shërbime të tjera të qendrës për këtë kategori, këto nuk janë realizuar ende. Nga ana tjetër, mungesa e fondeve e bën kërkesën për një qendër rezidenciale një objektiv të largët. Familjet kujdestare mund të ishin një praktikë e re që mund të plotësonte nevojat për përkujdes të vazhdueshëm për të moshuarit me një kosto më të ulët, por praktikat në këtë drejtim mungojnë dhe vlerësohet se ka shumë pak interes për punë vullnetare në këtë drejtim.

4.2.2 Fëmijët

Bashkia Roskovec ka ngritur së fundmi Njësinë për Mbrojtjen e Fëmijëve (NjMF), si pjesë e Sektorit të Shërbimeve Sociale. Punonjësja për Mbrojtjen e Fëmijëve (PMF) në zbatim të kuadrit ligjor për të drejtat dhe mbrojtjen e fëmijëve, veçanërisht të Ligjit 18/2017 "Për të drejtat dhe mbrojtjen e fëmijës në Republikën e Shqipërisë" zbaton procedura në raport me identifikimin dhe menaxhimin e rasteve specifike të fëmijëve në nevojë për t'u marrë në mbrojtje, ashtu edhe përsa i takon roleve të tjera, si ato ndërgjegjësuese, koordinuese etj. Kjo strukturë gjithashtu drejton grupin multidisiplinar për ndjekjen e rasteve. Megjithatë, puna e realizuar nga NjMF për vitin 2018 ka qene mjaft e kufizuar, duke raportuar për vetëm 1 rast të ndjekur përgjatë gjithë vitit. Nga ana tjetër, shërbimi psiko-social në shkolla mbulohet vetëm nga 1 psikologe për të gjithë Bashkinë (me një total prej

14 shkollsh). Kombinimi i këtyre kapaciteteve duket që në pamje të parë i pamjaftueshëm për adresimin e nevojave për mbrojtje dhe shërbime psikosociale të fëmijëve në këtë bashki.

Si kudo në Republikën e Shqipërisë, fëmijët jetimë dhe ata nën urdhër mbrojtje (në rastet e dhunës në familje), përfitojnë një mbështetje financiare prej 3,000ALL në muaj. Fëmijët pa kujdes prindëror vendosen në familje kujdestare. Deri tani, Bashkia Roskovec ka adresuar 8 raste të vendosjes së fëmijëve në familje kujdestare. Megjithatë, thuhet në të gjitha rastet kjo është siguruar përmes ofrimit të familjeve kujdestare nga radhët e të afërmeve. Mungesa e një kulture të kujdestarisë përtej të afërmeve, mungesa e ndërgjegjësimit si dhe pagesa jo shumë motivuese (vetëm 9,000ALL/muaj për fëmijë), bën që identifikimi i familjeve të gatshme për të vepruar si familje kujdestare të jetë shumë i vështirë dhe një nevojë e vazhdueshme.

Fëmijët në Bashkinë Roskovec mund të shfrytëzojnë edhe mjediset e Qendrës Sociale Komunitare si dhe mundësitë që jepen aty për ndjekjen e kurseve të ndryshme. Megjithatë, ato kanë një natyrë që i bën më të përshtatshme për të rinjtë.


Bashkia Roskovec, deri tani, nuk ka arritur të jetë miqësore me më të vegjlit. Çerdhet mungojnë në të gjithë territorin e Bashkisë Roskovec dhe ndërtimi (i të paktën) një çerdheje është domosdoshmëri. Në Bashkinë Roskovec ka dy kopshte të cilët mbulojnë deri diku nevojat për fëmijët në grupmoshën 3-5 vjeç, por “Kopshti 1” (i cili njihet edhe si kopshti pa drekë) ka nevojë për një restaurim të plotë. Situata është problematike dhe nevojitet ndërhyrje edhe në shkollën “Kurjan”. Nga ana tjetër, sigurimi i një sistemi ngrohje funksional mbetet një nevojë shumë e prekshme për të gjithë fëmijët në moshë shkollë në këtë bashki.

Bashkia Roskovec nevojitet të parashikojë dhe investojë edhe për shërbime argëtimi dhe rekreacioni për fëmijët. Deri tani, në territorin e Bashkisë Roskovec nuk ka anjë park/kënd lodrash për fëmijët. Edhe terren sportive mungojnë dhe ka nevojë për një rikonsiderim të terreneve që mund të rikonstruktohen dhe zgjerohen (për shembull ato pranë shkollave) apo për ndërtimin e terreneve të reja.

4.2.3 Të rinjtë

Qendra Sociale Komunitare (QSK) është pika e vetme e takimit për aktivitete socio-kulturore të të rinjve të Bashkisë Roskovec. QSK ofron kurse në fotografi, gazetari dhe aktrim, me mbështetjen e organizatës “Epoka e RE”. Stafi i Qendrës Social Komunitare në bashkëpunim me të rinjtë ka planifikuar planin e aktiviteteve sociale të cilat janë miratuar nga Bashkia Roskovec. Të rinjve iu është ofruar edhe mundësia për të mësuar sesi shkruhet një CV, të marrin pjesë në aktivitete dhe konkurse të ndryshme brenda dhe jashtë vendit. Të rinjtë janë nxitur për të kryer punë vullnetare dhe për të qënë aktiv dhe në vendimarrje. Së fundi, në bashkëpunim edhe me Qendrën për Zhvillim Profesional – Fier janë ofruar edhe kurse profesionale (parukeri, elektrikist etj). Rreth 40 të rinj angazhohen në secilin aktivitet të organizuar nga QSK.

Në kushtet ku papunësia tek të rinjtë është një problem madhor dhe një shkak kryesor për largimin në emigracion, vlerësohet se nevojiten ndërhyrje urgjente që marrin në konsideratë dhe adresojnë nevojat e të rinjve për punësim dhe përfshirje sociale. Disa masa konkrete që janë sugjeruar nga anëtarë të komunitetit janë:



- Diversifikimi i aktiviteteve dhe shërbimeve të QSK ku mund të përfshihen:
 1. Orientimi për karrierën; ‘
 2. Kurse profesionale në përputhje me kërkesat e tregut;
 3. Aktivitete social-kulturore dhe sportive (duke shfrytëzuar edhe mjediset sportive pranë shkollave).
- Mbështetje e (vetë)punësimi të të rinjve, si për shembull mbështetja financiare dhe me lehtësira fiskale e “start-up”-eve të ideuara nga të rinjtë.
- Angazhimi i të rinjve në vendimmarrje – krijimi i një këshilli rinor pranë Këshillit Bashkiak.

4.2.4 Personat me Nevoja të Veçanta (Aftësi të Kufizuar, AK)

Personat me nevoja të veçanta apo me aftësi të kufizuara në Bashkinë Roskovec nuk marrin shërbime të dedikuara prej Bashkisë. Ata bëhen përfitues të pagesës së aftësisë së kufizuar sipas vendimit të një komisioni të posacëm, i cili vepron përtej kompetencave dhe juridiksionit të bashkisë. Megjithatë, Bashkia ka treguar ndjeshmërinë e domosdoshme në respektimin e kushteve bazë në ndërtimet infrastrukturore të viteve të fundit, si dhe në bashkëpunim me Fondacionin Shqiptar për PAK, ka siguruar herë pas herë karrige me rrota për persona në nevojë.


Raportohet se një pjesë e mirë e fëmijëve me AK janë të integruar në shkolla dhe mbështeten nga mësues të dedikuar (mësues ndihmës). Megjithatë, nevojat për shërbime të dedikuara për personat me AK mbeten të padresuara. Personat me AK dhe veçanërisht fëmijët me AK detyrohen që të shkojnë në Fier për të aksesuar shërbime të domosdoshme për mirëqenien e tyre. Ngritja dhe funksionimi i një qendre ditore për personat me AK është një domosdoshmëri për të mundësuar aksesin ndaj shërbimeve të bazë.

4.2.5 Gratë (dhe viktimat e dhunës në familje/me bazë gjinore)

Bashkia Roskovec ka ndërmarrë një sërë nismash në kuadër të fuqizimit të grave dhe ardhjes në ndihmë të kategorive më vulnerable ndër to. Gjatë viti 2018, me mbështetjen e donatorëve dhe partnerëve të saj, Bashkia Roskovec ka pasuruar shërbimet dhe nismat për mbështetjen e grave. Me bështetjen e UNDP, është ngritur shërbimi i “Strehëzës së emergjencës”, e cila strehon viktimat e dhunës për 48 orë, deri në pajisjen me Urdhër të Menjëhershëm të Mbrojtjes. Po kështu, Bashkia ka staf të dedikuar për çështjet e dhunë në familje dhe barazisë gjinore dhe ka një sistem të ngritur referimi për këto raste.

Në askeptin e fuqizimit ekonomik, Bashkia Roskovec ka financuar 11 projekt propozime të grave sipërmarrëse për t’i fuqizuar dhe zhvilluar ekonomisht dhe për të zgjeruar bizneset e tyre. Në kuadër të projektit “Sapuni Organik Roskovec”, projekt i financuar nga UNDP dhe Bashkia Roskovec, janë trajnuar 18 gra për prodhimin e sapunit nga mbetjet e vajit të ullirit. Në përfundim të këtij projekti, do të ndërtohet një biznes social ku dhe do të punësohen këto gra me qëllim për ta zgjeruar edhe më shumë këtë biznes.

Bashkia Roskovec ka organizuar edhe aktivitete sociale që synojnë përfshirjen dhe fuqizimin e grave. Disa nga aktivitetet e organizuara gjatë vitit 2018 përfshinin: “Fushata e Aktivizimit Kundër Dhunës ndaj Grave dhe Vajzave”; “Dita Ndërkombëtare e Mbështetjes



së Viktimave të Dhunës dhe Kategorive në Nevojë”; “Dita Botërore e Humanizmit”; “Depistimi i Kacerit të Gjirit” etj. Këto aktivitete janë shfrytëzuar edhe për të ndihmuar gratë në nevojë dhe gratë kryefamiljare me pako ushqimore. Bashkia Roskovec ka realizuar, ndër të tjera, edhe ndërtimin e banesave të reja për gra kryefamiljare (5 raste deri në vitin 2018).

Ndonëse i është dhënë një rëndësi e veçantë mbështetjes dhe fuqizimit të grave, Bashkia Roskovec mund të bëjë edhe më shumë duke shtuar përpjekjet për:

- Diversifikimin e kurseve profesionale të ofruara për gratë (duke ju larguar asaj çfarë është ofruar tradicionalisht si parukeri, rrobaqepsi etj) me në përputhje me kërkesat e tregut;
- Lehtësi dhe mbështetje e (vetë)punësimit të grave si për shembull mbështetja financiare dhe lehtësira fiskale e “start-up”-eve të grave, apo përjashtimi nga detyrimet vendore për bizneset e grave;
- Nxitja dhe mbështetja e biznesit artizanal dhe gjetja/mundësimi i aksesit në treg (si për shembull, përmes organizimit të panairove të dedikuara etj.)

4.2.6 Romët dhe egjiptianët

Bashkia Roskovec është një bashki miqësore ndaj minoriteteve rome dhe egjiptiane dhe ky është një perceptim që e ndajnë si aktorët ashtu edhe grupet e interesit të konsultuara gjatë procesit për hartimin e këtij dokumenti. Edhe pse minoritetet rome dhe egjiptiane përbëjnë vetëm 1% të popullsisë së Bashkisë (në total 365 romë dhe vetëm 32 egjiptianë), këto minoritete kanë marrë vëmendje të vazhdueshme dhe raportohen të jenë të stabilizuara, të mirë-pranuara dhe integruara me pjesën tjetër të popullsisë.

Që nga viti 2015, Bashkia Roskovec ka nënshkruar marrëveshje bashkëpunimi me Institutin e Kulturës Rome në Shqipëri (IRCA). Bashkia ka krijuar një bazë të dhënash dhe mbledh vazhdimisht informacion mbi minoritete rome dhe egjiptiane (të dhëna mbi vendbanimi, profesioni, arsimimi, gjendjen e punësimit etj.). Në këto komunitete janë identifikuar dhe janë aktive disa pika fokale – individë me potencial përfaqësues.

Në fushën e strehimit, në të cilën minoritete rome dhe egjiptiane kanë pasur problematika të vazhdueshme, Bashkia ka ndërhyrë me rikonstruksionin e banesave (52 banesa vetëm në periudhën 2016-2017) në kuadër të projektit “ Përmirësimin e kushteve të banimit të komunitetit Rom”. Gjatë vitit 2018 janë zhvilluar disa investime infrastrukturore nga të cilat përfitojnë dhe familjet rome, si në rrugën “Lagjia e Naftës” dhe “Rrugën e Varrezave” në Marinëz, si dhe në Unazën e Roskovecit. Së fundmi, ka marr zgjidhje edhe problematika e furnizimit me energji elektrike në lagjen “Liqeni”, ku jetojnë 8 familje rome (është realizuar pajisja e kësaj zone me një transformator të ri).

Në aspektin social dhe kulturor, Bashkia Roskovec ka vlerësuar dhe promovuar modelet pozitive nga minoriteti rom dhe egjiptian² përmes titujve dhe çmimeve. Në raste te

² Bashkia Roskovec ka dhënë titullin “Artizani më i mire, 2017” gjatë ceremonisë në eventin e përvitshëm “Njeriu i Vitit”. Ky titull i është dhënë z. Ramiz Sheme, nga minoriteti rom. Me vendim të Këshillit Bashkiak është shpallur “Qytetarët e Nderit” kompozitori Tofik Sheme, gjithashtu nga minoriteti rom në Roskovec.



veçanta, Bashkia ka ofruar asistencë teknike në procese gjyqësore apo proceduriale (si p.sh për regjistrimin e fëmijëve të paregjistruar, përfitimin e pensionit të pleqërisë etj.).

Në mënyrë më të strukturuar dhe të qëndrueshme, Bashkia Roskovec është përpjekur të adresojë një nga nevojat më të mëdha të minoriteteve romë dhe egjiptiane – arsimimin, kualifikimin dhe punësimin. Aktualisht nuk rezulton të ketë probleme me braktisjen e shkollës nga komuniteti rom dhe egjiptian, megjithatë në përgjigje të nevojave të akumuluar në kohë, përmes Qendres Sociale Komunitare, Bashkia ka mundësuar organizimin e kurseve falas për: përmirësimin e njohurive në lexim dhe shkrim të gjuhës shqipe (përfitues janë 11 persona të grup moshave të ndryshme) si dhe për gjuhë angleze (përfitues 10 fëmijë). Është lehtësuar edhe punësimi i anëtarëve të komunitetit rom: 2 mësues romë; 1 lehtësues i komunitetit rom është i punësuar pranë bashkisë; 4 gra dhe një burrë rom janë të punësuar në sektorin e pastrim- gjëbërimit dhe 1 i punësuar pranë kompanisë Ujësjetllës Kanalizime SH.A.

Të gjitha këto nisma vlerësohen nga minoriteti rom dhe egjiptian ashtu siç evidentohen edhe nevoja dhe problematika që kërkojnë ende përpjekje për adresim. Në fushën e strehimit, projektet e rikonstruksionit të banesave nuk adresojnë dot problemet me mungesën totale të stehimit. Për këtë kërkohet të planifikohet ndërtimi i banesave sociale, ku romët dhe egjiptianët të kenë akses. Po në aspektin e shërbimeve infrastrukturore dhe aksesit në shkollë, nevojitet sigurimi i transportit për fëmijët e vegjël që banojnë në zonën e Liqenit dhe që në periudhën e dimrit kanë vështirësi të aksesojnë shkollën në qytet.

Në aspektin e sigurisë dhe pëfshirjes ekonomike, shumë famije romë janë përjashtuar nga skema ekonomike dhe gjenden në vështirësi dhe të painformuar mbi arsyet dhe kriteret e përdorura. Disa prej tyre përballen edhe me gjoha dhe kamatë vonesa për gjoha për kalimin e parregullt të kufirit në kërkim të punës (kryesisht në Greqi). Punësimi është mjaft i vështirë për këto minoritete si pasojë e nivelit të ulët të arsimimit dhe kualifikimit, por edhe e aksesit të kufizuar në shërbimet e punësimit, të cilat aktualisht duhet t'i marrin në Fier. Nevojitet hapja e një Zyre Pune (apo nëndege të saj) e cila është operacionale pranë banorëve të Bashkisë Roskovec.

Sigurimi i dëshmimeve ekuivalente me kryerjen e arsimit të detyrueshëm janë një nevojë tjetër imediate për të mundësuar aksesin dhe suksesin në kurset profesionale. Punësimi mund të mbështetet dhe inkurajohet edhe përmes përjashtimit të aktiviteteve prodhuese të anëtarëve të këtyre minoriteteve nga taksat vendore, për një periudhë të kufizuar deri në fuqizimin e aktivitetit.

4.2.7 Familjet e kthyer nga emigrimi/azili

Ndonëse familjet e kthyer nga emigracioni kanë ardhur duke u shtuar, pak njihet dhe raportohet mbi problematikat e tyre. Në përgjithësi mendohet se ato kthehen në banesat që kanë në pronësi dhe janë në gjendje ekonomike e mirë. Një pjesë e tyre kanë investuar në bujqësi përmes krijimit të serave. Për ta nevoja kryesore lidhet me sigurimin e tregut. Më problematike paraqitet situata e emigrantëve sezonale dhe atyre të rikthyer nga azil-kërkimi. Ri-integrimi i fëmijëve në shkollë dhe i të riturve në tregun e punës janë sfidat kryesore për këto grupe.



2.3 Partneriteti me OJF-të

OJF-të kanë një rol shumë të rëndësishëm në hartimin e politikave dhe shpërndarjen e shërbimeve në vend. Një faktor mjaft pozitiv është përfshirja e tyre në hartimin dhe konsultimin e shumë prej strategjive vendore dhe kombëtare. Gjithashtu ato kanë rol thelbësor në hartimin e politikave dhe shpërndarjen e shërbimeve shoqërore. OJF-të vendor kanë kontribuar shpesh në adresimin apo referimin me sukses të rasteve apo çështjeve, të cilat kanë paraqitur sfida për strukturat e qeverisjes vendore. Bashkia Roskovec ka burime të kufizuara edhe në këtë aspekt.

Në territorin e Bashkisë së Roskovec operon vetëm një organizatë lokale “Gruaja, Komuniteti, Mjedis- Harmonizuar për Zhvillim”. Kjo organizatë zbaton projekte të ndryshme në Roskovec, në fokus të të cilave janë gratë dhe të rinjtë e qytetit të Roskovecit.

Bashkia Roskovec gjithashtu ka bashkëpunuar dhe me organizata të tjera jo fitimprurëse të cilat kanë qendrën në Fier dhe Tiranë. Disa nga këto organizata janë:

- UNDP
- USAID
- Social Development Investment
- Fondacioni për Qeverisje dhe Autonomi Vendore (FLAG)
- Epoka e Re
- Instituti i Kulturës Rome në Shqipëri
- Rrjeti për demokraci i gruas
- Shëndet për të gjithë

Bashkia Roskovec ka një bashkëpunim shumë të mirë dhe efektiv me organizatat që zbatojnë projekte në Roskovec.

Në bashkëpunim me UNDP, Bashkia Roskovec ka ngritur Mekanizmin e Referimit të Rasteve të Dhunës në familje dhe gjithashtu ka ndërtuar Strehëzën e Emergjencës e cila shërben për strehim deri në 72 orë të viktimës së dhunës deri në marrjen e Urdhit të Menjëhershëm të Mbrojtjes. Bashkëpunimet me UNDP janë të përhershme dhe në aktivitete të cilat ndërgjegjesojnë komunitetin rreth çështjeve gjinore dhe dhunën në familje.

Bashkëpunimi me USAID-in është i hershëm dhe ka konsistuar në hartimin e rregullores së brendshme të Bashkisë Roskovec, asistencë teknike për hartimin e Programit të Transparencës, dixhitalizimin e arkivave etj.

Bashkia Roskovec është përfituese e programit “Reload” dhe është bashkëfinancuese për projektet e fituara nga organizata të ndryshme në kuadër të thirrjeve të hapura .

Projekte të zbatuara në kuadër të projektit Reload janë :

- Social Development Investment, organizatë e cila ka zbatuar projektin “Sapuni Organik Roskoveci”. Ky projekt ka trajnuar 18 gra për prodhimin artizanal të sapunit nga vaji i ullirit. Pas përfundimit të projektit Bashkia Roskovec ka asistuar dhe ndihmuar gratë për prodhimin dhe shitjen e sapunit.



- "Epoka e Re" është organizatë e cila ka ofruar për periudhë 6 mujore kurse gazetari, fotografie dhe aktrimi për të rinjtë e Bashkisë Roskovec.

Nga thirrja e dytë në kuadër të projektit Reload kanë dalë fituesë organizatat:

- Social Development Investment, e cila do të zgjeroj dhe vazhdoj projektin e parë për prodhimin e shamos nga mbetjet e vajit të ullirit. Përsëri ky projekt do të ketë në fokus gra dhe kategoritë në nevojë.
- Rrjeti për demokraci i gruas. Kjo organizatë do të zbatojë një projekt në fushën e turizmit, për të përmirësuar infrastrukturën turistike.

Shëndet për të Gjithë është një projekt i financuar nga Agjensia Zviceriane për Zhvillim në bashkëpunim me Bashkinë Roskovec. Në kuadër të këtij projekt u realizuar rikonstruksioni total i tre qendrave shëndetësore në Roskovec, Strum dhe Kurjan.

Po ashtu Bashkia Roskovec ka pasur bashkëpunim të ngushtë më Këshillin e Evropës dhe Institutin i Kulturës Rome në Shqipëri, në kuadër të projektit "Romacted". Ky projekt synon promovimin e qeverisjes së mirë dhe fuqizimin e komunitetit Rom dhe Egjiptian.

Gjithashtu në kuadër të projektit "Bashkitë për në Evropë", Bashkia Roskovec ka ngritur Njësinë e Integritimit Evropian, e cila është dera e parë e informimit të qytetarëve për Bashkimin Evropian dhe mundësitë e shumta për të marr pjesë në projekte dhe programe të Bashkimit Evropian.

V. MISIONI, VIZIONI DHE OBJEKTIVAT E PLANIT SOCIAL

MISIONI

Bashkia e Roskovec synon të konsolidojë Sektorin e Shërbimeve Sociale (SSHS) dhe të ofrojë më shumë shërbime të standardizuara dhe cilësore të kujdesit shoqëror, për të mbuluar nevojat sociale në rritje, të grupeve vulnerabël dhe komunitetit në tërësi. Ky mision synon të përmbushet përmes zhvillimit të shërbimeve ekzistuese të kujdesit shoqëror, ndërtimit të shërbimeve të reja dhe shpërndarjes së tyre sa më pranë qytetarëve, sipas modeleve të praktikave të mira bashkëkohore.

VIZIONI

Shërbimet sociale në Bashkinë Roskovec janë gjithëpërfshirëse, të larmishme, të shpërndara në territor, në përputhje me nevojat e komunitetit, me standarde, të besueshme dhe pranë njerëzve. Nevojat e popullatës së Bashkisë janë të njohura, të vlerësuara dhe të dhënat e tyre ushqejnë planifikimin dhe zbatimin e politikave sociale të Bashkisë. Bashkia maksimizon eficiencën e përdorimit të burimeve për një mbulim sa më të mirë të nevojave materiale të tyre, si dhe një mbulim më të plotë me shërbime të tjera të përkujdesit shoqëror, sipas një qasjeje me personin në qendër, multisektoriale dhe të menaxhimit të rastit, duke vënë në dispozicion burime njerëzore, materiale dhe financiare të mjaftueshme për ta siguruar këtë.

